

Prvi zamjenik visokog predstavnika Scanlan sa predstavnicima Zvornika razgovarao o potencijalima ovog grada



Prvi zamjenik visokog predstavnika i supervizor za Distrikt Brčko Michael Scanlan boravio je 26. juna u svojoj prvoj službenoj posjeti Zvorniku. Tokom ove posjete, g. Scanlan se sastao sa gradonačelnikom Zvornika Zoranom Stevanovićem, zamjenikom gradonačelnika Bojanom Ivanovićem, te predsjednikom Skupštine Grada Zvornika Mersadom Mehmedovićem, kao i sa čelnim ljudima Policijske uprave Zvornik i predstavnicima lokalne poslovne zajednice.

Razgovori su se vodili o ekonomskoj i socijalnoj situaciji u Zvorniku, te koristima koje razvoj privatnog sektora može obezbijediti za sve građane ovog grada. Kreiranje poticaja za ostanak ljudi, što je izazov svugdje u Bosni i Hercegovini, bila je centralna tema razgovora.

Policijska uprava je informisala prvog zamjenika visokog predstavnika o pripremama za predstojeće komemoracije u širem okruženju, te njihovom angažmanu da omoguće sigurno okruženje za sve građane ove lokalne zajednice.

Prvi zamjenik visokog predstavnika Scanlan je rekao: „Ekonomski potencijal Zvornika je očit, bilo da se radi o

industriji ili turizmu, ali treba uspostaviti aktivno javno-privatno partnerstvo da bi se stvorila potrebna dinamika za razvoj ovih sektora“.